

1. Ke kamora nako e telele , ‘Me Jesu a tsoaloe.





1. Ke ka mora nako e telele 'Me Jesu a tsoala Mehlang eo, ha hlaha taelo ea Sesare Augusto, e reng, ho ngoloe palo ea baahi ba lefats'e lohle. Palo eo ke ea pele, ea etsoake Kuirine e le mmusisi oa Siria. Eaba batho bohle ba ea ho ngoloe, e mong le e mong motseng oa habo. Josefa le eena a tloha

Galelea, motseng oa Nasaretha, a ea Judea, motseng oa Davida, o bitsoang Bethlehema, etsoe e ne e le motho oa ntlo ea Davida le oa leloko la hae; ba ea ho ngoloe le Maria, mosali eo a mo lebelelitseng, e neng e le moimana.


Ba sa le moo, matsatsi a ho ba le ngoana ha hae a phetheha; a ba le mora oa hae oa letsibolo; a mo phuthela maseleng, 'me a mo robatsa sejelong sa liphoofole, kahobane ho ne ho se sebaka sa bona tlung ea baeti.


Ho ne ho le balisa naheng eo, ba phelang metebong, ba lebetse mehlape ea bona bosiu. Joale hang, lenyeloi la Morena la ba hlahela, khanya ea Morena ea ba aparela, 'me bats'oha. Lenyeloi la re ho bona" Se ts'abeng, hobane bonang, ke le bolella thabo e kholo, e monate, eo e tla ba ea sechaba kaofela, ke ho re, kajeno, le tsoaletsoe 'Moloki, motseng oa Davida, ke Krete, Morena. Seo e tla ba ponts'o ho lona, le tla fihlela lesea le phuthetsoeng, le robalitsoeng sejelong sa liphoofole".

Eaba bongata ba makhotla a leholimo bo phakisa bo eba le lenyeloi leo, ba boka Molimo, ba re "Khanya e be ho Molimo maholimong a holimo, khotso e be lefats'eng ho batho bao o khahloang ke bona".

Luka 2:1-14

2 Roma e busa hohle. Le Iseraele.Moo Jesu a phelang.





2. Roma e busa hohle. Le Iseraele. Moo Jesu a phelang.

Eitse hobane ba phethe tsohle tse laetsweng molaong wa Morena, ba kgutlela Galelea, ba ya Nasaretha, motseng wa habo. Haele ngoana a nna a hola, a ipha matla, a tla bohlale; 'me molemo oa Molimo oa nna oa lula ho eena.

Luka 2:30-40

3. Jesu o kena ka metsing. O oa kolobetsoa. Molimo o buoa ho hlaha leholimong. A re “Eea U mora oa ka”



3. Jesu o kena ka metsing. O oa kolobetsoa. Molimo o buoa ho hlaha leholimong. A re “Eea U mora oa ka”



Mehleng eo, ha hlaha Johanne Mokolobetsi, a ruta feelleng la Judea. O ne a re ” Bakang, hobane ‘muso oa maholimo o atametse’.

Hobane ke eena ea neng a lekanntsoe ke moporofeta Esaia, ha a re “ Lentsoe la ea hooang feelleng, le re” Hlekang ‘mila oa Morena, le lokise litsela tsa hae”.

Johanne o ne a apere kobo ea boea ba kamele, a itlamile letheke ka leqhaama la letlalo; lijo tsa hae e ne e le litsie le linots’i tsa naha.

Eaba ba Jerusalema, le ba Judea eohle, le ba naha eohle e pela Jordane, ba tsoela ho eena,

‘me ba kolobetsoa ke eena Jordane, ba ntse ba ipolela libe tsa bona.

Empa, eare ha a bona bafarisi le basadusi ba bangata ba tla kolobetsong ea hae, a ba bolella, a re “Malinyane a marabe, le ts’ositsoe ke mang ho balehela bohale bo tlang?

Ha ho le joalo he, behang litholoana tse ts’oanelang pako.

‘Me le se ke la re ka ho lona ‘Abrahama ke ntata rona’, hobane ke a le bolella, ke re “ Molimo o ka tsoetsa Abrahama bana le ka majoe ana”.

Selepe se se se beiloe metsong ea lifate sefate ka seng se sa beheng tholoana tse molemo, se tla rengo, se lahleloe mollong.

Haele ‘na, ke le kolobelletsa pako ka metsi feela; empa ea tlang ka morao ho ‘na, o mpheta ka matla, ‘me ha ke a lokela ho mo nkela lieta; ke eena ea tla le kolobetsa ka Moea o Halalelang le ka mollo.

Seoloso sa hae se letsohong la hae; o tla fiela seotlo sa hae ruri, a bokelle koro ea hae molikong, mooko oona a o chese mollong o sa timeng.

Mohlang oo, Jesu a tsoa Galelea, a tla Jordane ho Johanne ho kolobetsoa ke eena.


Empa Johanne a hana ho eena, a re: Ke nna ke ts’anetseng ho kolobetsoa ke oena, ‘me o tla ho ‘na na?

Empa Jesu a mo araba, a re: Ntumelle joale; hobane e ka khona re phethe joalo ho lokelang hohle. Eaba Johanne o a mo lesa.

Eitse Jesu ha a kolobelitsoe, a phakisa a tsoa metsing, ‘me hang, maholimo a phetleloa yena; a bona Moea oa Molimo o theoha o ka leeba, o tla holima hae. ‘Me ha utloahala lentsoe le tsoang maholimong, le re: Enoa ke Mora oa ka ea ratoang, eo ke khahlisoang ke eena.

Mattheu 3:1-17

4. Jesu o khetha Barutuo ba 12. Ba ea leetong mooho.



4. Jesu o khetha Barutuo ba 12. Ba ea leetong mooho.



Ho tloha mohleng oo, Jesu a qala ho ruta, a re “Bakang! hobane ‘muso oa maholimo o atametse”.

Jesu, ha a sika le leoatle la Galelea, a bona bara ba babeli ba motho a le mong, e le Simone, ea bitsoang Petrose, le Andrease, ngoanabo, ba akhela matlooa a bona leoatleng; hobane e ne e le ba tshoasang lihlahi.

A re ho bona “Ntateleng, ‘me ke tla le etsa ba tshoasang batho”.

Eaba ba phakisa ba tlohela matlooa a bona, ba mo latela.

Eare ha a fetela pele, a bona ba babeli ba bang, bara ba motho a le mong, e le Jakobo, mora oa Sebedea, le Johanne, ngoanabo, ba lutse sekepaneng le Sebedea, ntata bona, ba rokahanya matlooa a bona; ‘me a ba bitsa.

Eaba hang ba tlohela sekapana le ntata bona, ba latela Jesu.

Jesu a ea le Galelea eohle, a ntse a ruta masinagogeng a teng, a bolela Evangeli ea ‘muso, a folisa maloetse ‘ohle le mefokolo eohle e ho batho.

Mattheu 4:17-23

5. Batho ba ba ngata ba mamela Jesu. O ba joetsa seo Molimo a se batlang. Molimo O batla le morate le lona le ratane.



5. Batho ba ba ngata ba mamela Jesu. O ba joetsa seo Molimo a se batlang. Molimo O batla le morate le lona le ratane.




Ha le rapela, le se ke la touta joalo ka bahetene; hobane ba hloma ba tla utluoa ke ho bua haholo. Empa le se ke la ts'oana le bona; hobane Ntata lona o tseba seo le se hlokang, le eso ho qele ho eena. Joale lona, rapelang joalo,

le re “ Ntata rona ea maholimong, lebitso la hao a le ke le khethehe; ho tle ‘muso wa hao; thato ea hao e etsoe lefats’eng, joalo ka ha e etsoa leholimong; o re fe kajeno bohobe ba rona ba tsatsi le leng le le leng; o re tshoarele melato ea rona, joalo ka ha re ts'oarela ba nang le melato ho rona; o se ke oa re isa molekong; o mpe o re loele ho e mobe; [hobane ‘muso ke wa hao, le matla, le khanya ka ho se feleng. Amen!]

Hobane ekare ha le tshoarela batho litlolo tsa bona, Ntata lona ea maholimong o tla le tshoarela le lona; empa ekare ha le sa tshoarele batho litlolo tsa bona, Ntata lona le eena a ke ke a le tshoarela litlolo tsa lona.

Matthew 6:7-15

6. Monna a sa tsebeng ho tsamaea. Jesu o oa mo folisa.



6. Monna a sa tsebeng ho tsamaea. Jesu o oa mo folisa.



Ka tsatsi le leng,
Jesu o ne a ruta;
bafarisi le baruti ba
molao, ba tsoang
metsaneng eohle ea
Galelea, le Judea, le
Jerusalema, ba ne ba
lutse ho eena, 'me
matla a Morena a ne
a bonahala ka ho
folisa. Eaba ho tla
banna ba jereng ka


lipgate motho ea omeletseng litho, ba leka ho mo kenya ka tlung, a tle a beoe pela Jesu. Eare ha ba sa bone hoba ba tla mo kenya le kae, ka baka la bongata, ba hloella holima ntlo, ba phunya marulelo, ba mo theolela kahare, pela Jesu, a robetse liphateng tsa hae. Jesu ha a bona tumelo ea bona, a re ho eena: Motho, libe tsa hao o li ts'oaretsoe. Bangoli le bafarisi ba qala ho bolela dipelong tsa bona, ba re: Enoa ke mang, ea bolelang linyefolo? Ke mang ea nang le matla a ho ts'oarela libe, haese Molimo o 'nots'i? Eare ha Jesu a lemoha mehopolo ea bona, a araba, a re ho bona: Le hopolelang Joalo ka dipelong tsa lona? Na haele ho re: O tshoaretsoe libe tsa hao, e le ho re: Ema, o tsamaee, ho bonolo ke hofe na? Jwale, — hore le tle le tsebe hobane Mora motho o na le matla lefatsheng a ho tshoarela libe, — a re ho ea omeletseng litho: Ke re ho uena: Ema, o nke lipgate tsa hao, o ikele tlung ea hao. Eo a phakisa a ema ponts'eng ho bona, a nka lipgate tseo a neng a robetse ho tsona, a ikela tlung ea hae a ntse a rorisa Molimo. Ba hlolloa kaofela, ba rorisa Molimo, 'me ba tlala ts'abo, ba re: Re bone limakatso kajeno.

Luka 5:17-26

7. Jesu o palama sekepe. Maemo a leholimo a senyeha. 'Me Jesu o thiba sefelo.



7. Jesu o palama sekepe. Maemo a leholimo a senyeha. 'Me Jesu o thiba sefelo.



Eitse ha a kene sekepaneng, barutuwa ba hae le bona ba kena. 'Me bonang, ha tsoha sefelo se sehlo leoatleng, sekepana sa ba sa apesoa ke maqhubu a metsi , empa Jesu eena o ne a robetse. Eaba barutuo ba hae ba mo atamela, ba mo tsosa, ba re: Morena, re pholose; re a timela! A re ho bona: Batho ba tumelo e nyenyane, le boi keng na? Eaba o ema, a khalemela meea le leoatle; 'me khutso e kholo ea eba teng. Batho bao ba tsota haholo, ba re: Enoa ke ea joang, ha a utluoa le ke meea le leoatle?

Mattheu 8:23-27

8. Jesu o nka mahobe a mahlano le hlapu tse peli ebe o fepa sechaba sohle.



8. Jesu o nka mahobe a mahlano le hlapi tse peli ebe o fepa sechaba sohle.



Kamora tseo, Jesu a ea mose oane oa leoatle la Galelea, e leng la Tiberiase. Bongata bo boholo ba mo latela, kahobane ba ne ba bona mehlolo eo a e etsang ho ba kulang. ‘Me Jesu a nyolohela thabeng, a lula teng le barutuo ba hae.

‘Me Paseka, mokete wa Bajuda, e ne e le haufi. Eaba Jesu o emisa mahlo a hae, ‘me ha a bona hobane bongata bo boholo bo ntse bo etla ho eena, a re ho Filipi: Na re tla reka mahobe kae, batho bana ba tle ba je? O ne a bua joalo ka ho mo leka, hobane a ne a tseba seo a tla se etsa. Filipi a mo araba, a re “Mahobe a lidenare tse makholo a mabeli a ke ke a ba lekana, hore e mong le e mong oa bona a nke ho honyenyane”. E mong oa barutuo ba hae, Andrease, ngoanabo Simone Petrose, a re ho eena “Moshanyana o teng mona, ea nang le mahobe a mahlano a harese, le lihlatsoana tse peli” empa hoo e ka ba eng, ha ba le bangata hakalo? Eaba Jesu o re: Lulisang batho fats’e. ‘Me joang bo ne bo le boholo bakeng seo. Eaba banna ba lula, ba batlile ho ba likete tse hlano palong. Joale Jesu a nka mahobe, ‘me eitse hobane a lebohe, a a nea barutuo ba hae, ‘me barutuo ba abela ba lutseng; ba aba le tsona lihlatsoana, e mong le e mong kamoo o ratang kateng. Eitse ha ba khots’e, a re ho barutuo ba hae: Bokellang lingoathoana tse setseng, ho tle ho se ke ha senyeha letho. Eaba ba li bokella, ba tlatsa liroto tse leshome le metso e ‘medi ka lingoathoana tsa mahobe a mahlano a harese, tse siiloeng ke ba jeleng. ‘Me batho bao, eitse ha ba bone mehlolo o entsoeng ke Jesu, ba re: Kannete enoa ke moporofeta eo ho itsoeng, o tla tla lefatsheng.

Johanne 6:1-14

9. Jesu oRata Bana. O re “ ‘Muso oa Leholimo ke oa lona’”.



9. Jesu oRata Bana. O re “ ‘Muso oa Leholimo ke oa lona”.



Joale, ha tlišoa ho Jesu bana, hore a ba bee matsoho, a ba rapelle; empa barutuo a ba khalemela ba ba tlišang .Jesu a re ho bona .Lesang bana, le se ke la ba thibela ho tla ho nna; hobane ‘muso oa maholimo ke oa ba joalo ka bona. ‘Me eitse ha a ba beile matsoho, a tloha teng.

Mattheu 19:13-15

10. Lasaro o shoele. Metsoalle ea hae e moisa lebitleng, empa Jesu o oa mobitsa ebe Lasaro o tsoha bafung.



10. Lasaro o shoele. Metsoalle ea hae e moisa lebitleng, empa Jesu o oa mobitsa ebe Lasaro o tsoha bafung.



Jesu ha a fihla, a fumana matsatsi a se a le mane a le lebitleng. ‘Me Bethania o ne a le haufi le Jerusalema, sebaka e le sa listadia tse ka bang leshome le metso e mehlano. Bajuda ba bangata ba ne ba tlile ho

Maretha le ho Maria, ho ba ts’elisa bakeng sa ho shoa ha khaitsemi ea bona.

Eare ha Maretha a utloa hobane Jesu o a tla, a ea mo khahlanyetsa; empa Maria a sala tlung

John 11:17-20

Joale, Jesu a boela a hlabeha kahare ho eena, ‘me a ea lebitleng. Lebitla e ne e le lehaha, ‘me lejoe le ne le thibile monyako oa lona. Jesu a re “Tlosang lejoe leo!” Maretha, khaitsemi ea mofu, a re ho eena “Morena, o se a nkha; hobane e se e le la bone a le mona”. Jesu a re ho eena “Na ha ke a ka ka o bolella hore, ekare ha o lumela, o tla bona khanya ea Molimo na?” Joale, ba tlosa lejoe moo mofu a beiloeng teng. Eaba Jesu o emisetsa mahlo a hae holimo, a re “Ntate, ke a U leboha hobane U nkutluile. Ke ea tseba hobane U nkutloa ka mehla; empa ke buile joalo ka baka la bongata bo nteetseng hare, bo tle bo lumele hobane ke oena ea nthomileng”.

Eitse hobane a bolele tseo, a hooa ka lentsoele le holo, a re “Lasaro, tsoa moo!” Eaba mofu o tsoa a thatiloe matsoho le maoto ka masela, a khurumelitsoe sefahleho ka tuku. Jesu a re ho bona “Mo lokolleng, le mo lesele a itsamaele”.

John 11:38-44

11. Baetapele ba naha ba bokana ba batla ho bolaea Jesu.



11. Baetapele ba naha ba bokana ba batla ho bolaea Jesu.



Ba bangata hara Bajuda ba neng ba tlike ho Maria, ha ba bona tse entsoeng ke Jesu, ba lumela ho eena. Empa ba bang ho bona ba ea ho bafarisi, ba ba phetela tseo Jesu a li entseng.

Eaba baprista ba baholo le bafarisi ba bokella lekhotla, ba re “ Re tla etsang, haele mona motho eo a etsa mehlolo e mengata na? Ekare ha re mo lesela joalo, bohle ba tla lumela ho eena, ‘me Baroma ba tla tla, ba timetse motse oa rona le sechaba sa rona.” E mong oa bona, Kaiafa, eo e neng e le moprista e moholo ka selemo seo, a re ho bona “ Lona, ha le utluisise letho. Ha le hopole hobane ho ka ba molemo ho rona ha sechaba se ka shoeloa ke motho a le mong, sechaba kaofela se se ke sa timela.” O ne a sa bue joalo a iqalla, empa, kahobane e ne e le moprista e moholo ka selemo seo, a porofeta hore Jesu o tshoanetse ho tla shoela sechaba, e seng sechaba feela, empa le hore a bokelle hammoho bana ba Molimo ba qhalaneng.


Ho qala mohlang oo, ba rera hammoho hore ba tle ba ‘molaee.

Johanne 11:45-53

12. Jesu o ea Jerusalema a palame esele , sechaba se thabetse ho tla ha hae.




12. Jesu o ea Jerusalema a palame esele , sechaba se thabetse ho tla ha hae




Ka hosasane, bongata bo boholo bo tlleng moketeng, eare ha bo utlua hore Jesu o tla Jerusalema, ba nka makala a lifate tsa palema, ‘me ba tsoela ho mo khahlanyetsa, ba hooa, ba re: Hosanna! ho bokoe morena oa Iseraele, ea tlang ka lebitso la Morena! Jesu a fumana petsana ea esele, a e kalla; joalokaha ho ngoliloe, ho thoe: Se ts’abe, morali oa Sione; bona, Morena oa hao ke eo ea tlang, a kaletse petsana ea esele. Barutuo ba hae ha ba ka ba utluisisa taba tseo, hona mohlang oo; empa, eitse hobane Jesu a tlotlisoe, ba elelloa hobane taba tseo li ne li ngoliloe holima hae, le hobane ba mo entse tsona. Bongata bo nang le eena bo ne bo paka hore o bitsitse Lasaro lebitleng, ‘me o mo tsoitse bafung. Ke ka baka leo hape ba bangata ba ileng ho mo khahlanyetsa, kahobane ba ne ba utluile mohlolo oo o entsoeng ke eena. Bafarisi ba bolellana ke hona, ba re “Lemohang hobane ha le thuse letho; bonang, lefats’e lohle le mo setse morao.”

Johanne 12:12-19

13. Jesu o mong le ba rutuoa ba hae o ba hlatsoa maoto. Are hobona
“Ratanang joalo ka ha ke le ratile”.



13. Jesu o mong le ba rutuoa ba hae o ba hlatsoa maoto. Are hobona “Ratanang joalo ka ha ke le ratile”.



Mokete oa Paseka ha o se o tla etsoa, Jesu, ka ho tseba hobane nako ea hae e tlile ea ho tloha lefats'eng, ho ea ho Ntatae, joalokaha a ne a ratile ba hae ba lefats'eng, a ba rata le ho isa qetellong. Ha ho ntse ho lalloa,

Liabolose a se a kentse pelong ea Judase Iskariota, mora Simone, takatso ea ho mo eka, Jesu, ka ho tseba hobane Ntatae o mo neile lintho tsohle matsohong, le hobane o tsuile ho Molimo, ‘me o ea ho Molimo, a tsoha selallong, a hlobola kobo ea hae, a nka lesela, ‘me a itlama ka lona. A ntoo ts’ela metsi mokekeng, ‘me a qala ho hlatsoa maoto a barutuoa ba hae, a a hlakola ka lesela leo a itlamileng ka lona. A tla le ho Simone Petrose; eo a mpa a re ho eena “Morena, na oena o ka hlatsoa maoto a ka na?” Jesu a mo araba, a re “ Seo ke se etsang, ha o se tsebe hona joale, empa o tla se tseba hamorao”. Petrose a re ho eena “ O ke ke oa ba oa hlatsoa maoto a ka le ka mohlala o le mong. Jesu a mo araba, a re “Ekare ha ke sa o hlatsoe, ha o na kabelo ho nna”. Simone Petrose a re ho eena “Morena, a e se be maoto a ka feela, e be le oona matsoho le hlooho”. Jesu a re ho eena “Ea seng a hlatsuitsoe ha a sa na ho hlatsuoa, haese maoto feela, ‘me etlaba o se a hloekile kahohle. Lona le hloekile, empa e seng bohle”. Hobane o ne a tseba ea tla mo eka; ke ka baka leo a itseng: Ha le a hloeka bohle.

Eare hobane a qete ho hlatsoa maoto a bona, a nka kobo ea hae, a boela a lula; ‘me a re ho bona “Hleka le utluisisa seo ke le entseng sona na? Le mpitsa Moruti le Morena, ‘me le bolela hantle, hobane ke eena. ‘Me joale, ekare ha ‘na, ke leng Morena le Moruti, ke hlatsuitse maoto a lona, le lona le ts’oanetse ho hlatsoana maoto. Hobane ke le beetse mohlala, hore le etse joalo ka ha ke le entse”.

Johanne 13:1-15

14. Jesu o fana ka bohobe le veini, o re “Le nkhopole ka tsena ka mehla”




14. Jesu o fana ka bohobe le veini, o re “Le nkhopole ka tsena ka mehla”




Ba re ba sa ja, Jesu a nka bohobe, ‘me eitse hobane a boke, a bo ngoatha , a bo nea barutuo ba hae, a re ho bona; Nkang, le je; hona ke mmele oa ka. A nka le senoelo, a leboha, a ba nea sona, a re: Noelang ho sona bohle; hobane hona ke mali a ka a selekane se secha, a ts’olleloang ba bangata ts’oarelong ea libe. Empa ke re ho lona: Ho qala nakong eona ena, ha ke sa tla hlola ke enoa se behoang ke morara, ho tla be ho fihle tsatsi leo ke tla se noa le lona se le secha, ‘musong oa Ntate.

Matheu 26:26-29

15. Jesu o oa rapela o re “Ke tla etsa seo o se batlang Ntate”



15. Jesu o oa rapela o re “Ke tla etsa seo o se batlang Ntate”



Joale, Jesu a ea le bona nqalong e bitsoang Gethesemane. A re ho barutuo ba hae “Lulang mona, ke sa ea mane ho rapela. A ea le Petrose le bara ba Sebedea ba babeli, ‘me a qala ho soaba le ho tsieleha haholo. A re ho bona “Moea oa ka o tshoeroe ka nqa

tsohle ke masoabi a isang lefung; salang mona, le falimehe le ‘na”. A nto ea pejana, a oela fats’e ka sefahleho, a rapela, a re “Ntate, ekare ha ho ka etsoa, ako fetisetse senoelo sena hole le ‘na? Empa ho se ke ha etsoa thato ea ka, ho mpe ho etsoe ea hao!” ‘Me ha a etla ho barutuo ba hae, a ba fumana ba robetse; a re ho Petrose “Le sitiloe joang ke ho falimeha le ‘na hora e le ‘ngoe na? Falimehang, le rapele, hore le se kene molekong; hobane moea o mafolofolo, empa nama eona e a fokola”. A boela a ea la bobeli, a rapela, a re “Ntate, ekare ha e se ntho e ka etsoang hore senoelo sena se fetele hole le nna ke sa noele ho sona, a ho etsoe thato ea hao! Ha a khutlela ho bona, a ba fumana ba boetse ba robetse; hobane mahlo a bona a ne a le boima. A ba tlohela, a boela a ea, a rapela la boraro, a bua joalokaha a buile pele. Eaba o ea ho barutuo ba hae, a re ho bona: Robalang joale, le khatholohe; bonang, nako e atametse, Mora motho o se a ea neeloa matsohong a baetsalibe. Emang, a re eeng; bonang, ea nkekang o se a le haufi.

A re a sa rialo, ha hlaha Judase, e mong oa ba leshome le metso e ‘meli, a ena le sehlopha se sehlo, se tshoereng lisabole le melamu, se romiloeng ke baprista ba baholo le baholo ba sechaba. Ea mo ekileng o ne a ba neile ponts’o, a re “Eo ke tla mo aka, ke eena; le mo ts’oare”. A phakisa a atamela Jesu, a re “Lumela Rabbi!” ‘Me a mo aka.

Mattheu 26:36-49

16. Ke bosiu, masole a ts'oara Jesu. Pilato ke moahloli.



16. Ke bosiu, masole a ts'oara Jesu. Pilato ke moahloli.



A re a sa rialo, ha hlaha Judase, e mong oa ba leshome le metso e 'meli, a ena le sehlopha se seholo, se tshoereng lisabole le melamu, se romiloeng ke baprista ba baholo le baholo ba

sechaba. Ea mo ekileng o ne a ba neile ponts'o, a re "Eo ke tla mo aka, ke eena; le mo ts'oare". A phakisa a atamela Jesu, a re "Lumela Rabbi!" 'Me a mo aka.

Jesu a re ho eena "O tletseng mona, molekan'a ka?" Joale, ba atamela, ba isa matsoho ho Jesu, ba mo ts'oara.

Lekhatheng leo, e mong oa ba nang le Jesu a isa letsoho saboleng ea hae, a e tsoamola, 'me a hlatha mohlanka oa moprista e moholo ka eona, a mo khaola tsebe. Eaba Jesu o re ho eena "Busetsa sabole ea hao selateng sa eona, hobane bohle ba ts'oereng sabole, ba tla bolaoa ka sabole. Kapa na o re, nka sitoa ho rapela Ntate hona joale, 'me o ba a ea 'nea lilegione tsa manyeloi tse leshome le metso e 'meli, le tse fetisang? Empa ha nka etsa joalo, Mangolo a ka phethahala joang, a boletseng hore e ka khona ho be joalo?"

Eaba Jesu o re ho makhotla "Le tsoile hae ho tla ntshoara ka lisabole le ka melamu, joalokaha eka ke lesholu! Ke ne ke ntse ke lula le lona tempeleng ka tsatsi le leng le le leng, ke ruta, 'me ha le a ka la ntshoara! Empa hoo hohle ho etsahetse, hore mangolo a baporofeta a phethahale."

Joale, barutuo ba bohle ba mo tlohela, ba baleha.

Ba ts'oereng Jesu ba mo isa ho Kaiafa, moprista e moholo, moo bangoli le baholo ba neng ba phuthehetse teng.

Mattheu 26:47-57

17. Jesu ha a na phoso empa o tlamaha ho shoa.



17. Jesu ha a na phoso empa o tlamoha ho shoa.



Haele Jesu, a ema pela ‘musisi, ‘me ‘musisi a ‘motsa, a re “Na u morena oa Bajuda na?” Jesu a re ho eena: O boletse teng. Empa leha a ne a qosoa ke baprista ba baholo le ke baholo, ha a ka a araba letho. Eaba Pilato o re ho eena “Na ha u utloe ha ba u qosa hakakale na?” Empa ha a ka a araba lentsoe

leha le le leng; ‘musisi a ba a makala haholo.

E ne e le mokhoa oa ‘musisi, ka mokete oo, ho lokollela sechaba motlamuoa e mong, eo ba mo ratang. Mohlang oo, ho bo ho le motlamuoa e mong ea tumileng, ea bitsoang Barabase. Ha ba phuthehile, Pilato a re ho bona “Le rata ha ke le lokollela ofe, haele Barabase, kapa Jesu ea bitsoang Krete?” Hobane o ne a tseba hobane ba mo neetse eena ka mona.

Eare ha a sa lutse setulong sa kahlolo, mosali oa hae a romela ho eena, a re “U se ke oa ba le taba, leha e le e ‘ngoe, le motho eo ea lokileng; hobane ke utluile bohloko bo boholo ka baka la hae, ha ke lora kajeno”.

Empa baprista ba baholo le baholo ba hlohlelletsa bongata hore ba kope Barabase, Jesu eena a bolaoe. ‘Musisi a boela a bua, a re ho bona “Le rata ha ke le lokollela ofe ho ba babedi bao?” Ba re “Barabase !”. Pilato a re ho bona “Me Jesu, ea bitsoang Krete, eena ke mo etse joang na?” Bohle ba re ho eena “A thakhisoe!” ‘Musisi a re “Na o entse bobebefe?” Empa ba totisa ho hooa, ba re “A thakhisoe !” Joale, Pilato ha a bona hore ha a thuse letho, le hoba mofereferere o ntse o tota, a nka metsi, a hlapela ponts’eng ho bongata, a re “Ha ke na molato maling a motho eo ea lokileng; ho iponele lona”. Sechaba kaofela sa araba, sa re “Mali a hae a be holima rona, le holima bana ba rona.”

Joale, a ba lokollela Barabase; haele Jesu, eitse hobane a mo shape, a mo neela hore a thakhisoe.

Mattheu 27:11-26

18. Masole a hloko fatsa Jesu le ho mots'eha empa a se arabe.




18. Masole a hlokofatsa Jesu le ho mots'eha empa a se arabe.



Eaba bahlabani ba ‘musisi ba isa Jesu khotla, ba ‘mokellela sehlopha sohle sa bona. Ba mo hlobolisa, ba ntoo mo apesa kobo e khubelu. Ba loha mofapahlooho oa meutloa, ba mo roesa oona hloohong; ba mo ts’oarisa leqala letsohong la hae le letona, ‘me ba khumama ka mangoele pela hae, ba mo soma, ba re “Lumela, morena oa Bajuda!” Ba mo tshoela ka mathe, ba nka leqala, ba ‘mata hloohong. Eitse hobane ba mo some joalo, ba mo hlobolisa kobo eo, ba mo apesa liaparo tsa hae, ‘me ba ea le eena ho mo thakhisa.

Mattheu 27:27-31

19. Jesu o fasuoe , o thakhisitsoe sefapanong, a re “Ntate ba ts’oarele” eaba o oa shoa.



19. Jesu o fasuoe , o thakhisitsoe sefapanong, a re “Ntate ba ts’oarele” eaba o oa shoa.



‘Me ba ne ba isa le ba bang ba babeli e leng lisenyi, ho ea bolaoa le eena.

Eitse hobane ba fihle thoteng e bitsoang Lehata, ba mo thakhisa moo le lisenyi tseo, se seng ka letsohong le letona, se seng ka ho le lets’ehali. Empa Jesu o ne a re “Ntate, o ba ts’oarele, hobane ha

ba tsebe seo ba se etsang”. ‘Me ba arolelana liaparo tsa hae ka ho li laola ka lotho.

Batho ba ne ba eme ba talimile; babusi le bona ba ne ba mo soma, ba re “O pholositse ba bang; ha a ipholose le eena, haele eena Krete, mokhethoa oa Molimo!” Le bona bahlabani ba ne ba mo soma, ba mo atamela, ba mo nea asene; ba re “Ekare ha o le morena oa Bajuda, o ipholose.”

Hape, ho no ho manehiloeng lengolo kaholimo ho eena, le ngoliloeng ka liletere tsa Segerike, le tsa Seroma, le tsa Seheberu, le reng “Enoa ke morena oa Bajuda.”

Se seng sa lisenyi tse thakhisitsoeng se ne se mo soma le sona, se re “Ekare haele oena Krete, o ipholose, le rona o re pholose.” Empa se seng sa khalemela seo, sa re “Na oena ha o tshabe Molimo keng, kanthe o tsuong e le ‘ngoe le enoa? Athe haele rona, ho re loketse, hobane re nka se ts’oanetseng tseo re li entseng; empa enoa ha a ka a etsa letho le khopo”. Eaba se re ho Jesu “Morena, o nkhopole ha o kena ‘musong oa hao!” Jesu a re ho sona “Kannete ke re ho oena “U tla ba le ‘na kajeno Paradeiseng”.

E ne e le hora e batlileng ho ts’elela, ‘me lefifi la eba teng naheng eohle, ho fihlela hora ea boroba mono o le mong. Letsatsi la fifala, ‘me lesela la tempele la khahoha ka lehare.


Jesu hobane a hoeletse ka lentsoe le leholo, a re “Ntate, ke neela moea oa ka matsohong a hao!” Eitse hobane a rialo, a neela moea.

Luka 23:32-46

20. Jesu o na le matsatsi a mararo a shoele, basale ba mo fumana a le sio ka lebitleng.



20. Jesu o na le matsatsi a mararo a shoele, basale ba mo fumana a le sio ka lebitleng



Eitse ha Sabatha a fetile, Maria Magdalena, le Maria 'ma Jakobo, le Salome, ba reka linoko, ba tle ba ee ho mo tlotsa. Ka meso ea letsatsi le qalang beke, ba ea lebitleng, letsatsi ha le sa

tsoa chaba. Ba ne ba botsana, ba re “Ke mang ea tla re pitikisang lejoe, ho le tlosa monyako oa lebitla?” Empa ha ba talima, ba bona hoba lejoe le se le pitikisitsoe; athe le ne le le leholo haholo. Ha ba kena lebitleng, ba bona mohlankana a lutse ka letsohong le letona, a apere seaparo se sesweu; ‘me ba ts’oha. Eo a mpa a re ho bona “Le se ke la ts’oha. Le batla Jesu oa Nasaretha ea thakhisitsoeng; o tsohile, ha a eo mona. Bonang, moo ba neng ba ‘meile teng ke mona. Le mpe le ee, le bolelle barutuo ba hae le Petrose, hore o ea le etella pele ho ea Galelea; ke moo le tla ‘mona teng, joalo ka ha a kile a le bolella”. Eaba ba tsoa, ba baleha lebitleng; hobane ba ne ba tshoeroe ke ho thothomela le ho hlolloa; ‘me ha ba ka ba bolella motho letho, ke hobane ba ne ba ts’ohile.

Jesu ha a tsohile kameso ea letsatsi le qalang beke, a itlhahisa pele ho Maria Magdalena, eo a neng a lelekile balimona ba supileng ho eena.

Mareka 16:1-9

21. Maria o pela lebitla le sa ts'elang . Jesu o teng o oa phela.



21. Maria o pela lebitla le sa ts'elang . Jesu o teng o oa phela.




Haele Maria, a nna a ema kantle pela lebitla, a ntse a lla; a re a sa lla, a inama ho nyarela lebitleng. Eaba o bona manyeloi a mabeli a apereng bosoeu, a lutse, le leng le le hloohong, le leng le le maotong, moo setopo sa Jesu se neng se robaditsoe teng. A re ho eena: “Mosali, o llang?” A re ho oona: “Ke kahobane ba tlositse Morena ka, ‘me ha ke tsebe moo ba ‘meileng teng.”


Eare hobane a bue joalo, a reteleha, a bona Jesu a eme; empa o ne a sa tsebe hobane ke eena Jesu. Jesu a re ho eena: “Mosali, u llang? U batla mang?” Eena, ka ho lekanya hore ke molemi oa ts’imo, a re ho eena: “Monghali, ha ekaba ke oena o mo tlositseng, mpoelle moo o ‘meileng teng, ke tle ke ye, ke mo nke.” Jesu a re ho yena Maria! Eena a reteleha, a re ho Eena: Rabuni! — ka sheberu ke ho re moruti. — Jesu a re ho eena: Se nkame, hobane ha ke eso ho nyolohela ho Ntate; o mpe o ee ho banabeso, o re ho bona: Ke nyolohela ho Ntate, e leng le Ntata lona, ho Molimo oa ka, e leng le Molimo oa lona. Maria Magdalena a tla, a bolella barutuo hore o bone Morena, le hore o mmoleletse taba tseo.

Johanne 20:11-18

22. Jesu o bonts'a barutuoa maseba a hae le hore ke eena ka sebele.



22. Jesu o bonts'a barutuo a maqeba a hae le hore ke eena ka sebele.



Ka mantsiboea a letsatsi leo, e leng le qalang beke, menyako ha e ne e koetsoe ea moo barutuo ba neng ba phuthehile teng, ka baka la ho tshaba Bajuda, Jesu a hlaha, a ema hara bona, a re ho bona: Khotso e be le lona! Eare hobane a bue joalo, a ba bonts'a

matsoho le lehlakore la hae. eaba barutuo ba thaba, ha ba bona Morena. Jesu a boela a re ho bona: Khotso e be le lona! Joalo ka ha Ntate a nthomile, le nna ke le roma joalo. Eitse hobane a bue joalo, a bululela ho bona, a re: Amohelang Moea o Halalelang! Bao le tla ba tshoarella libe, ba tla ts'oareloa tsona; bao le tla ba balla libe, ba tla balloa tsona.

Thomase, ea bitsoang Didima, e mong oa ba leshome le metso e 'medi, o ne a le sieo ho bona, ha Jesu a etla. Barutuo ba bang ba re ho eena: Re bone Morena. A mpa a re ho bona: Ekare ha ke sa bone maqeba a lithakhisa matsohong a hae, ka kenya monoana oa ka maqebeng a dithakhisa, ka kenya le letsoho la ka lehlakoreng la hae, nke ke ka lumela.


Eitse ha lits'iu tse robileng meno e le 'medi li fetile, barutuo ba hae ba ne ba boetse ba le tlung, le Thomase a ena le bona. Eaba Jesu o a hlaha, menyako e ntse e koetsoe, a ema hara bona, a re: Khotso e be le lona! A nto re ho Thomase: Tlisa monoana oa hao mona, 'me o talime liatla tsa ka; nts'a letsoho la hao, o le kenye lehlakoreng la ka, 'me o se ke oa ba ea sa lumeleng, o mpe o be ea lumelang. Thomase a araba, a re ho eena: Morena wa ka le Molimo oa ka! Jesu a re ho eena: Kahobane o mpone, Thomase, o lumetse. Ho lehlohonolo ba lumetseng, leha ba sa ka ba bona.

Johanne 20:19-29

23. Jesu o re “ Ke tla lula ke na le lona.” Eaba o nyolohela leholimong.



23. Jesu o re “ Ke tla lula ke na le lona.” Eaba o nyolohela leholimong.



Ea lumelang, ‘me a kolobetsoa, o tla bolokeha; empa ea sa lumeleng, o tla tsuo. Mehlole e tla tsamaea le ba lumetseng ke eona ena: ba tla leleka batemona ka lebitso la ka; ba tla bua lipuo tse ncha; ba tla ts’oara linoha, ‘me leha ba noele ntho e ka ba bolaeang, ha e ka ke ea ba etsa letho; ba tla bea matsoho holima ba kulang, ‘me ba tla fola. Eitse hobane Morena a bue le bona joalo, a nkeloa leholimong, ‘me a lula letsohong le letona la Molimo.

Haele bona, ba tloha, ba ea bolela Evangeli kahohle, Morena a ntse a sebetsa le bona, a tiisa lentsoe ka mehlole o le felehetsang.]

Matthew 28:16-20

Eitse hobane Morena a bue le bona joalo, a nkeloa leholimong, ‘me a lula letsohong le letona la Molimo.

Haele bona, ba tloha, ba ea bolela Evangeli kahohle, Morena a ntse a sebetsa le bona, a tiisa lentsoe ka mehlole o le felehetsang.]

Mareka 16:19-20